

TO'BANIC RI CÄPE RUC' RI DIOS



TO'BANIC RI CÄPE RUC' RI DIOS

“To'banic ri cäpe ruc' ri Dios” are jun alaj wuj ri c'o wi paj tak tzij re ri u Tzij ri Dios. Pa jujun u xak wuj e cojom wi ri paj tak tzij chuxe' jujun chomanic. Quinchomaj chi ri chomanic ri c'o pa ri u Tzij ri Dios cäketamaj rumal tak ri paj tak tzij rech ri tzä u Tzij ri Dios.

Ri u Tzij ri Dios are ri utzalaj to'banic chque ri winak ri c'o qui rayinic che ri u banic ri suq'uul pa qui c'aslemal. Aretak jun winak cäcojon che ri Crist, cuban oxib jasach: Nabe cuq'uex u c'u'x; ucab cuya' can ri mac; urox cuya' c'olbal che ri Crist pa ri ranima'. We cuban ronojel wa' ri Dios cuya' ri u to'banic, ri u tewichibal, ri quicotemal, utzil pa ri u c'aslemal. Ri in je' xc'ulmataj wa' pa nu c'aslemal pa ri junab 1937. Pa ri k'ij ri' c'ä camic amak'el quinna' chi nakaj c'o wi ri Dios chwe. Are wachil ronojel k'ij. Are jun rajawaxic wa' chawe o che la ri u c'amowaxic ri Ajawaxel Jesucrist. Quinbij che la o chawe at, we maja' c'amom la ri Crist o we maja cac'amo at, rajawaxic u banic chanim ri'.

–Watson Goodman (1920-2002)

RI U LOK'OK'EBAL U C'U'X RI DIOS 1

Are c'u ri Dios cuk'alajisaj chkawäch chi cujulok'ok'ej. Aretak c'ä uj ajmaquib, ri Crist xcäm rumal kech. –Aj Romab 5.8

C'ä maja' ri nimak'ij re ri Oc'owem, ri Jesus reta'm chi xopan ri jok'otaj chi ri are' cuya' can ri uwächulew, cäbe ruc' ri Tataxel. Ri Jesus e u lok'ok'em ri e rech ri e c'o cho ri uwächulew, xebulok'ok'ej c'ä pa ri q'uistajic. –Ri Xuan 13.1

Xukuje' che ri Jesucrist ri jicalaj k'alajisanel, ri xc'astaj nabe chquixo'l ri cäminakib, c'o u takanic paquiwi' ri ajawinelab e aj uwächulew. Ri Crist cujulok'ok'ej uj resam c'ut pa qui k'ab ri e ka mac rumal ri u quiq'uel. –Ri K'alajisanic 1.5

“Chi' cäkil wi chi ri Dios sibalaj quebulok'ok'ej ri winak cho ri uwächulew, xuya' c'ut ri u C'ojol, ri xa' jun c'olic, rech conojel ri quecojon che, man cäsach ta qui wäch, xane' cäc'oji' na junalic qui c'aslemal.”

–Ri Xuan 3.16

Ri Ajawaxel cujiquiba' u bixic: “In xinc'ut wib chuwäch chi naj. In at nu lok'ok'em ruc' jun junalic lok'ok'ebal c'uxaj; rumal ri' quintakej u banic utzil chawe.”

–Ri Jeremiy 31.1a, 3

2 RI JESUCRIST ARE' RI KAS DIOS

K'alaj chquiwäch conojel chi nim qui banic ri jastak re ri ka k'ijilanic che ri Dios: Ri Dios xc'utun chupam jun cuerp aj winak, xk'alajisaxic chi suc' rumal ri Uxlabaxel, xilitaj cumal ri tako'n aj caj, xtzijox chque tak ri tinimit, xecojon ri winak che ri e c'o cho ri uwächulew, c'ulam pa ri juluwem.

—Nabe Timotey 3.16

Pa ri chapletajic c'o ri Tzij, ri Tzij c'o ruc' ri Dios, xukuje' ri Tzij are' Dios. Ri Tzij xuc'am ri qui banic winak, xc'oji' chkaxo'l. Xkil ri u juluwem, jacha' ri u juluwem ri xa jun chi C'ojolaxel ri elinak ulok ruc' ri Tataxel, nojinak che tok'ob xukuje' kastzij.

—Ri Xuan 1.1, 14

“Ri in ruc' ri Tataxel xa uj jun.”

—Ri Xuan 10.30

Ri Jesus xubij che: “Q'ui k'ij chic in c'o iwuc'. ¿La ma ta a ch'obom nu wäch, Pelip? Jachin ri rilom nu wäch in, rilom u wäch ri Tataxel. ¿Jas c'u che cabij at: 'C'utu'la ri Tataxel chkawäch?” ¿La ma ta cacojo chi ri in xa' in jun ruc' ri Tataxel, xukuje' ri Tataxel xa jun wuc'? Ri tzij ri quinbij chiwe, man quebenbij taj pa we wi. Ri Tataxel ri jekel pa ri in, are' cäbanow ri e u chac.”

—Ri Xuan 14.9, 10

RI JESUS ARE RI U C'OJOL RI DIOS 3

Apachin c'ut ri cäk'alajisanic chi ri Jesus are' u C'ojol ri Dios, jekel ri Dios pa ri are', xukuje' ri are' pa ri Dios.

—Nabe Xuan 4.15

Ri tako'n xubij che: “Ri Ruxlabal ri Dios cäpe na pawí'. Ri u chuk'ab ri Dios aj chicaj cäpe na pawí' jas jun sutz'. Rumal ri' ri ac'al ri calax na, cäbix na ‘Tastalic' xukuje' ‘U C'ojol ri Dios' che.” —Ri Lucax 1.35

Rumal rech chi alam jun ac'al chke, ri Dios u yo'm jun c'ojolaxel chke, ri yo'm ronojel cuinem pa u k'ab che u k'atic tzij, are c'u tak u bi' wa' cäbix na: Mayibal pa tak ri cubano, Dios ri man ch'äcatajel taj, Junalic Tataxel, u C'ojol Ajawinel ya'l jamaril.

—Ri Isaiy 9.6

C'ä cätajin cätzijon ri Lu', xpe c'u jun sutz' ri cäjuluwic, xebuch'uku. Xtataj c'u jun ch'abal pa ri sutz' ri xubij: “Are lok'alaj nu C'ojol wa', ri cäkaj chnuwäch. Chitatabej ba ri u tzij.” —Ri Matey 17.5

Ri achi xubij che: “¿Jachin ri' rech quincojon che, Wajaw?” Ri Jesus xubij che: “Awilom c'ut, ri cätzijon awuc', are wa'.”

—Ri Xuan 9.36, 37

Rumal rech chi ruc' ri Crist jekel wi ronojel ri u nojiquil ri Dios chi winakil.

—Aj Colosayib 2.9

4 RI JESUS CUBIJ CHKE JACHIN RI ARE'

Ri are' xubij chque: "Ix ix aj waral ix aj iquim, in in aj chicaj. Ix ix rech we uwächulew ri', in man in ta rech we uwächulew ri'." Xubij ri Jesus chque: "Kastzij, kastzij quinbij chiwe: C'ä majok calax ri Abraham, in c'o chic." –Ri Xuan 8.23, 58

Xubij ri ixok che: "Weta'm chi cäpe na ri Mesiy, ri cäbix Crist che. Aretak cäpe ri are', quebulutzijoj na conojel ri jastak chke." Xubij ri Jesus che: "In ri', ri quin-tzizon awuc'." –Ri Xuan 4.25, 26

"Aretak c'ä in c'o cho ri uwächulew, in chäj chque ri winak cho ri uwächulew." –Ri Xuan 9.5

Xubij chi c'u ri Jesus jumul: "Kastzij, kastzij quinbij chiwe: In ri' ri oquibal ri quek'ax wi ri chij." –Ri Xuan 10.7

Ri Jesus xubij che: "In ri' ri c'astajibal xukuje' ri c'aslemal. Jachin ri cäcojon chwe in, pune' cacämich, cäc'asi na." –Ri Xuan 11.25

"Ri ix quibij 'Kajtij' chwe, quibij 'Kajaw' chwe. Utz ri quibij, in c'u ri'." –Ri Xuan 13.13

Ri Jesus xubij che: "In ri' ri be, ri kastzij, ri c'aslemal. Man c'o ta jun copan ruc' ri Tataxel, we ta ma ta wumal in." –Ri Xuan 14.6

Xebutak c'u ri winak chi quet'uyi' puwi' ri k'ayes. Xebuc'am ri job caxlanwa cuc' ri quieb cär, xca'y chicaj, xuya' maltioxinic che ri Dios. Xebupir ri caxlanwa, xebuya' chque ri u tijoxelab. Ri u tijoxelab c'ut xequiya' chque ri winak. Xewa' c'u conojel, xeto'tajic; xebequiyac ri ch'akatak ri xeto'tajic e cablajuj (12) chicäch nojinak. Ri xewa'ic cäraaj e c'o job mil achijab, man xebajilax ta c'ut ri ixokib mawi ri ac'alab.

–Ri Matey 14.19-21

Ri Simon xubij che: “Kajtij, xujchacun ronojel ri jun ak'ab, man c'o ta c'u ka chapom. We c'u jeri' cäbij la, pa ri tzij ba' la quinkasaj ri c'at.” Aretak xquiban wa', sibalaj e q'ui ri cär xeboc chupam ri qui c'at, chi quet'okopitaj ri c'at. –Ri Lucax 5.5, 6

E t'uyut'oj quieb moyab chuchi' ri be. Aretak xquito chi cätajin coc'ow ri Jesus, xquirak qui chi', xquibij: “Chel c'u'x la chke, Kajaw, Rija'l ri David.” Ri Jesus... xubij chque: “¿Jas ri quiwaj chi quinban chiwe?” Xquibij c'u che: “Kajaw, cäkaj chi chejaktaj ri ka bak'wäch.” Ri Jesus xel u c'u'x chque, xuchap ri qui bak'wäch. Chanim c'ut xeca'yic, xeteri c'u bic chrij ri Jesus.

–Ri Matey 20.30, 32b-34

6 RI JESUCRIST ARE' WINAKIRI- SANEL XUKUJE' ARE' TAKANEL

Rumal c'ut are' xeban conojel ri jastak ri e c'o pa ri caj xukuje' ri e c'o cho ri uwä-chulew, ri queilitajic xukuje' ri man queilitaj taj, we ajawibal, we takanic, we e camal be, xukuje' we aj cuinem; conojel wa' xebantaj rumal ri are' xukuje' che u nimirisaxic u k'ij. —Aj Colosayib 1.16

Conojel ri jastak rumal are' xebanic. Man c'o ta jun chque ri jastak ri e banom, ri ma ta xban rumal are'. —Ri Xuan 1.3

Rech conojel cäquich'obo xukuje' cäquibij chi ri Jesucrist are Ajawaxel, jeri' cänimarisax u k'ij ri Dios Tataxel.

—Aj Pilipsib 2.11

“Chretamaj ba' ronojel ri tinimit Israel, ruc' jicomal chi kas are we Jesus ri', ri xrip alak, ri Dios u banom Ajawaxel che xukuje' Crist.” —Banoj 2.36

Rumal c'u wa' xcäm ri Crist, xc'astaj c'ut chi xc'asi' chi c'u jumul, rech cux Ajawaxel paquiwi' ri cäminakib jacha' xukuje' paquiwi' ri e c'asc'oj. —Aj Romab 14.9

Jic c'u ri Dios. Amak'el cutz'akatisaj ri u bin. Ri are' xixusiq'uij rech quixc'oji' junam ruc' ri Kajaw Jesucrist ri u C'ojol.

—Nabe aj Corintib 1.9

RI JESUCRIST ARE' K'ATAL 7
TZIJ PAQUIWI' CONOJEL

Ri at, ¿jasche cak'at tzij puwi' ri awachalal? Ri at xukuje', ¿jasche cawetzelay u wäch ri awachalal? Konojel c'ut cujetac'al na chuwäch ri Dios aretak cuk'at na tzij pakawi'. –Aj Romab 14.10

Chuwäch ri Dios xukuje' ri Kajaw Jesucrist, ri cuk'at na tzij paquiwi' ri c'asc'oj xukuje' ri cäminakib, cuc'ut c'u na rib cajawin na, quinya' we pixbenic ri' chawe. –Ucab Timotey 4.1

“Aretak cäpe ri Rija'l winak cuc' conojel ri e u tako'nib ri Dios, nim u k'ij cäpetic. C'äte ri' cät'uyi' na puwi' ri tem re ri u juluwem. Quemulix c'u na conojel ri nimak tak tinimit chuwäch. Quebutas na ri niq'uij chquixo'l ri jule' chic, je jas ri ajoyuk' quebutas ri chij chquixo'l ri q'uisic'.”

–Ri Matey 25.31, 32

“Man c'o ta jun cäk'at tzij puwi' rumal ri Tataxel, xane' che ri C'ojolaxel xuya' wi ronojel ri k'atoj tzij.” –Ri Xuan 5.22

“Ri are' c'ut xujutak bic chi quekaya' u tzijoxic chque ri winak xukuje' ka k'alajisaj c'ut chi are' wa' ri cojom rumal ri Dios che k'atal tzij paquiwi' ri e c'asc'oj xukuje' paquiwi' ri cäminakib.” –Banoj 10.42

**8 XUWI RI CRIST CUJRESAJ PU
K'AB RI KA C'ULEL**

“In ri' ri oquibal. We c'o jachin coc pa ri in, cäcolotaj na. Coc na ulok, quel na bic, curik na recha'.”
–Ri Xuan 10.9

Ri Jesus xubij che: “In ri' ri be, ri kastzij, ri c'aslemal. Man c'o ta jun copan ruc' ri Tataxel, we ta ma ta wumal in.”

–Ri Xuan 14.6

“Rumal ri' xinbij chiwe chi quixcäm na pa ri i mac. We c'u man quicojo chi in ri', quixcäm na pa ri i mac.”

–Ri Xuan 8.24

Tz'akatirinak chi c'ut, xux junalic colol quech conojel ri queniman che.

–Aj Hebrejib 5.9

Conojel c'ut e macuninak. E najtajisam che ri u juluwem ri Dios. Ri Dios cuk'alajisaj chi uj suc' chuwäch rumal ri u tok'ob, e colotajinak c'u rumal ri Crist Jesus, man c'o ta cäquitoj che.

–Aj Romab 3.23, 24

Jeri' cäcuin che qui colic chbe k'ij sak ri winak ri quekeb ruc' ri Dios rumal are', rumal rech chi c'asal amak'el rech cubochi'j ri Dios paquiwi'.

–Aj Hebrejib 7.25

“Man c'o ta chi jun c'o ta wi colobal ib, ri Dios c'ut man u yo'm ta chke ri u bi' ta chi jachin jun cho ri uwächulew ri cujcuin ta wi cujcolotaj ta wi.”

–Banoj 4.12

XUWI RI CRIST CUJRESAJ PU 9
K'AB RI KA C'ULEL

Rumal c'ut ri are' ix nuc'utal ruc' ri Crist Jesus, ri rumal ri Dios uxinak no'j chke, xukuje' suq'uילal, tastaliquil xukuje' colobal ib. –Nabe aj Corintib 1.30

Ri Jesucrist xuya' ri u c'aslemal rumal kech, che kesaxic pa u k'ab ronojel etzelal xukuje' che ka josk'ixic, rech cujux rech are' xukuje' cäkacoj ka chuk'ab che u banic utzalaj tak chac. –Ri Tit 2.14

Ruc' quicotemal quinmaltioxin che ri Tataxel, rumal rech chi u yo'm chke chi cäkac'am ke ri echbal ri cuya' chque ri tastalic tak cojonelab ri e c'o pa ri sakil. Xujresaj pa ri u cuinem ri k'eku'm, xujuk'axej c'u pa ri rajawibal ri lok'alaj u C'ojol, ri xujresaj pa u k'ab ri ka c'ulel rumal ri u quiq'uel xukuje' xusach ri ka mac. –Aj Colosayib 1.12-14

“Petinak c'ut ri Rija'l Winak che qui tzucuxic, che qui colic ri winak ri e sachinak.” –Ri Lucax 19.10

Chiwuc'aj ri c'aslemal aj lok'ok'ebal c'uxaj, jas ri Crist xujulok'ok'ej. Xuya' ri u c'aslemal rumal kech, jacha' sipanic, tabal tok'ob cho ri Dios, are jun c'oc'alaj uxlab ri cäkaj chuwäch. –Aj Epesib 5.2

10 RI U QUIQ'UEL RI CRIST CUYA'
UTZIL CHKAXO'L RUC' RI DIOS

E ta c'u lo ri camic, k'alajisam chic chi uj suc' rumal ri u quiq'uel ri Crist, ri rumal are' cujcolotaj na chuwäch ri royowal ri Dios. Xukuje' cujquicot rumal ri Dios rumal ri Ajawaxel Jesucrist, rumal c'ut ri Crist karikom ri jamaril ruc' ri Dios.

—Aj Romab 5.9, 11b

Chupam c'ut ri nimalaj u lok'ok'ebal c'uxaj uj u torom ri Dios rumal ri quic' ri xutix ri u C'ojol, e sachtajinak c'ut ri e ka mac.

—Aj Epesib 1.7

“Are c'u nu quiq'uel wa' re ri c'ul-wächinic. Ri nu quiq'uel cäturuw na rech cäsachtaj ri qui mac e q'ui winak.”

—Ri Matey 26.28

We c'u cujbin chupam ri sakilal jacha' ri Dios c'o pa ri sakilal, c'o c'u ri' ri junam-atajic chkaxo'l, are' c'ut ri u quiq'uel ri u C'ojol, ri are' ri Jesucrist, queresaj na conojel ri ka mac.

—Nabe Xuan 1.7

¡E ta c'u lo ri u quiq'uel ri Crist, ri xuya' rib rumal ri junalic Uxlabaxel, man tz'ajtajinak taj chuwäch ri Dios, quebu-josk'ij na ri retamabal ka c'u'x ruc' ri quesaxic ri cäminak tak chac, rech cäkak'ijilaj ri c'aslic Dios!

—Aj Hebreiyib 9.14

CUJESAX CHUPAM RI MAC WE 11
CÄKACUBA KA C'U'X CHRIJ RI CRIST

Rumal ri u tok'ob ri Dios ix colotajinak chic, rumal ri i cojoníc. Man ix taj xixbanowic pa iwe wi, xane' xak sipam chiwe rumal ri Dios. Man cumal ta jastak ri quibano, rech jeri' man c'o ta jun cuya' cunimarisaj rib. —Aj Epesib 2.8, 9

Aretak k'alajisam chic chi uj suc' rumal ri ka cojoníc, c'o jamaril chkaxo'l ruc' ri Dios, rumal ri Kajaw Jesucrist.

—Aj Romab 5.1

We ix jun ruc' ri Crist, pune' cojom ri u kopixic ri u wi' ri u tz'umal ri ix achijab wi che iwetal, o man cojom taj, man are ta ri' ri c'o u banic, xane' are ri cojoníc cächacun rumal ri lok'ok'ebal c'u'x.

—Aj Galasib 5.6

“Chatcojon che ri Ajawaxel Jesus, catcolotaj c'u na....”

—Banoj 16.31b

Apachin ta ne ri alc'ualam rumal ri Dios cäch'äcan puwi' ri uwächulew; are c'u ri cäyo'w ri ch'äcanem chke puwi' ri uwächulew are' ri ka cojoníc. —Nabe Xuan 5.4

E tz'ibam c'u wa' rech quicojo chi ri Jesus are' ri Crist, u C'ojol ri Dios, rech aretak quicojo, cäch'oji' i c'aslemal pa ri u bi'. —Ri Xuan 20.31

Man c'o ta chi c'u jun Dios jacha' ta ri lal, quecuy c'u la ri etzelal, quesach c'u pa jolom la ri qui walijisam tak quib ri ch'utinalaj u tz'akatil ri tinimit la. Lal cac'ut la ri lok'ok'ebal c'u'x la chkawäch man c'u ca-jekeba' ta la ri oyowal la chbe k'ij sak.

–Ri Miquey 7.18

Ri lok'ok'ebal c'u'x la c'o na u nimal chqui-wäch ri caj. ;Ri jicomal la copan c'ä cho ri räxalaj caj!

–Salmib 108.4

Ri u lok'ok'ebal c'u'x ri Ajawaxel man c'o ta u q'uisic, mawi quetzaj taj ri e rutzil. Ak'abibal chi ak'abibal quec'ac'aric; ;Siblalaj nim ri u jiquil!

–Juyuwem 3.22, 23

Sibalaj c'o na ri u nimal lok'ok'ebal u c'u'x chque ri nim queilowic, jacha' ri u nimal ri caj puwi' ri uwächulew. Are c'u ri u lok'ok'ebal c'u'x ri Ajawaxel re chbe k'ij sak chque ri queyo'w u k'ij; ri u suq'uil man c'o ta u q'uistajic chque pa conojel ri ija'lil.

–Salmib 103.11, 17

Xujucolo, man rumal ta suc'alaj chac ri ka banom, xane' rumal rech chi xel u c'u'x chke. Xujuch'ajo, xuban c'ac' tak winak chke, jas jun alaj ne' c'äte xalaxic. Jewa' xubano rumal ri Ruxlabal ri Dios.

–Ri Tit 3.5

Ri Ajawaxel cubij: “Tisaj kachomaj we jasach ri'. Pune' ta ne sibalaj quiäk rokj ri i mac, quinban na che jacha' ri sak tew; pune' ta junam ruc' jun atz'iak ri rubum pa corinto quinban na sak che jacha' ri sakalaj rismal chij.”
—Ri Isaiy 1.18

Ri Uxlabaxel xukuje' ri rixokil ri Alaj Chij je cäquibij wa': “¡Tasaj!” Apachin ri cätatabenic xukuje' chubij: “¡Tasaj!” Apachin ri cächaki'j u chi', chpetok. Apachin ri cäraaj, chuc'ama' re ri ja' rech c'aslemal ri xak cäsipaxic. —Ri K'alajisanic 22.17

“Iwonojel ri cächaki'j i chi', chixpetok che ruq'uiaxic ja'; ri man c'o ta i rajil, chixpetok, chixlok'ominak, chixwok, chilok'otrico, chixwok. ¡Chixpetok! ¡Chilok'o u wa'l uva xukuje' leche ri xak cacochixic, man c'o ta cätoj che u rikic!”
—Ri Isaiy 55.1

Aretak xril ri Jesus, xyojtajic, xubij chque: “Chiya' chque ri ac'alab chi quepe wuc', mebik'atij. Ri rajawibal ri Dios quech ri e je tak wa'.” —Ri Marcux 10.14

“Tisaj wuc', iwonojel ri ix cosinak, iwonojel ri c'o iweka'n. Quinya' c'u na uxlanem chiwe.”
—Ri Matey 11.28

14 MAN CONOJEL TÄ RI WINAK
E RALC'UAL RI DIOS

Cuya' quetamatajic e jachin tak ri e ralc'ual ri Dios xukuje' e jachin tak ri e ralc'ual ri itzel: apachin ta c'u ne ri man cuban ta ri utzil, o man culok'ok'ej ta ri ralachalal, man ralc'ual ta ri Dios.

—Nabe Xuan 3.10

Conojel c'u ri c'amom qui be rumal ri Ruxlabal ri Dios, e ralc'ual ri Dios. Man i c'amom ta jun uxlabal ri cuban lok'om pataninelab chiwe, ri cuban ta chiwe chi quixe'j iwib jas ri nabe canok. Xane' i c'amom ri Uxlabaxel ri xuban chiwe chi xixux ralc'ual ri Dios. Rumal c'u ri are' cäkabij “ka Tat” che ri Dios.

—Aj Romab 8.14, 15

Rech jeri' man c'o ta etzelal cäriktaj chiwij, ix ralc'ual ri Dios, man c'o ta mac pa ri i c'aslemal, ix je ta ne chäj quixjuluw chquixo'l ri itzel tak winak ri e c'o cho ri uwächulew camic, ri man e suc' taj.

—Aj Pilipsib 2.15

Cubij ri Ajawaxel: “Chixel chquixo'l, chitasa' iwib chquij.”

—Ucab aj Corintib 6.17a

Conojel c'ut ri xec'amowic, ri quecojon che ri u bi', xuya' ri c'olbal chque chi quebux ralc'ual ri Dios.

—Ri Xuan 1.12

Chujbinok je jas ri pa k'ij, rech utz quilital ri ka chac. Mujk'abarc makamulij chi kib che nimak tak wa'im re wojcorem. Mujc'uji ruc' ri winak pa ri u ch'at ri man kech taj. Mäkaban ri ka rayinic ri man takal ta qui banic. Mäkaban ch'o'j. Itzel mäkil wi we jun chic curik utzil. Xane' chicojo' ri Ajawaxel Jesucrist, je ta ne quicoj jun atz'iak ri chacubal re ch'o'j. Michomaj u banic ri itzel rayibal aj winak.

—Aj Romab 13.13, 14

¡Tok'ob i wäch ix ri sibalaj ak'ab quixwalij che k'abarc, rumal ri u chuk'ab ri u wa'l uva quixcanaj can pa ri i c'olbal c'ä coc na ri ak'ab!

—Ri Isaiy 5.11

Maya' a wäch che ri u wa'l uva. ¡Ri cäquiäkaric ri sibalaj c'u cäjuluw chupam ri kumubal! ¡Xak c'u cacalalic cäkaj bic! Are c'u ri u q'uisbalil xak junam ruc' jun cumätz ri cacatzanic cuya' c'u k'oxomal.

—E C'ambal tak Tzij 23.31, 32

Ri u wa'l uva cuban che ri winak chi cuban nimal; ri e uq'uia' tak ri utz qui k'obisaxic banom cuyojtajisaj; apachin ta ne ri cakaj chupam man c'o ta jun utz ta u cojic ri u no'j cubano. —E C'ambal tak Tzij 20.1

16 RI DIOS CRAJ CHI CÄKALO-
K'OK'EJ RI ARE'

Ri Jesus xubij che: “Chalok'ok'ej ri Awajaw a Dios ruc' ronojel awanima', ruc' ronojel a c'aslibal, ruc' ronojel a chomanic. Are wa' ri nim na xukuje' nabe chque ri takomal.”
—Ri Matey 22.37, 38

Aretak benam re ri Jesus, xpe jun achi cäxiq'uinic, xxuqui' chuwäch, xuta' che: “Utzalaj Ajtij, ¿jas quinban che rechbexic ri junalic c'aslemal?” Ri Jesus xubij che: “¿Jasche cabij utz chwe? Man c'o ta jun utz, xane' xuwi jun, are ri Dios. E aweta'm ri takomal: Matcämisanic. Matkaj pa mac ruc' jun winak chic. Mateläk'anic. Maban tzijtal chquij niq'uij winak chic. Mawesaj can jutak bik' che ri jastak que ri winak. Nim chebawila' wi ri a tat a nan.” Xubij c'u ri achi che: “Aj tij, ronojel wa' nu nimam kas pa nu ch'utinal.” Ri Jesus xuca'yej, xulok'ok'ej, xubij che: “C'o jun jasach ri c'ä cäraja na chawe: jät, chac'ayij ronojel ri jastak awe, chaya' ri rajil chque ri mebayib. Jeri' cäc'o'ji' na a k'inomal chicaj. Tasaj c'ut, chinaternej.” Xq'uextaj ri u palaj ri achi rumal we tzij ri'. Cäbisonic xbec. Rumal rech chi e q'ui ri jastak rech e c'olic. —Ri Marcux 10.17-22

Misub iwib, ri Dios man cuya' taj quetz'-
bex u wäch. Jas ri u tico'n ri winak, are je
u wächinic cuyac na. —Aj Galasib 6.7

Lok'alaj tak walc'ual, c'o mixsubuwic.
Apachin ri cuban ri suq'uul, suc' ri', je jas
ri are' suc'. Apachin ri cuban mac, rech ri
itzel ri'. Ri itzel macuninak ulok kas pa ri
u tiquiritajic. Rimal c'u ri' xpe ri u C'ojol
ri Dios, che qui sachic qui wäch ri e u
chac ri itzel. —Nabe Xuan 3.7, 8a

¿La ma ta iweta'm chi ri winak man e suc'
taj man cäquechbej ta ri rajawibal ri Dios?
—Nabe aj Corintib 6.9a

C'o jun mixsubuw ruc' tak tzij ri man c'o
ta qui patan. Cumal c'u we jastak ri' cäpe
ri royowal ri Dios paquiwi' ri man queniman
taj. —Aj Epesib 5.6

Chinimaj ri tzij, chibana' jas ri cubij,
man xuwi ta quita' ri tzij. We ta xak je
quibano, quisub iwib. —Ri Santiag 1.22

We c'o jun cuchomaj chi c'o u banic, we
man c'o ta c'u u banic, xak cusub rib.
—Aj Galasib 6.3

“E q'ui quepe na pa ri nu bi', cäquibij: ‘In
ri' ri Crist.’ E q'ui c'ut ri quequisub na.”
—Ri Matey 24.5

18 RI MAC CUC'AM ULOK CÄMICAL

Je c'u ri', xa' rumal jun winak xoc ri macaj cho ri uwächulew xuc'am c'u ulok ri cämical, xk'ax c'u ri cämical chque conojel, conojel c'ut e macuninak.

—Aj Romab 5.12

Ri qui rayibal ri winak cäralc'ualaj ri mac. Ri mac c'ut, aretak tz'akatinak chic, cäralc'ualaj ri cämical. —Ri Santiag 1.15

Ri u banic ri chomanic aj uwächulew cuya' cämical. Are c'u ri u banic ri u rayibal ri Uxlabaxel cuya' c'aslemal xukuje' jamaril. Ri caquichomaj ri jastak aj winak re mac, cuban u c'ulel che ri Dios. Rumal ri' man cuya' ta rib chuxe' ri u pixab ri Dios, mawi cäcuinic.

—Aj Romab 8.6, 7

“Xuwi ri winak ri camacunic cäcäm na. Mawi ri c'ojolaxel cukajbejtaj ta ri u mac ri tat mawi ri tat cukajbejtaj ta ri u mac ri c'ojolaxel. Ri suc' cuc'am na ri tojbal rech che ri u suq'uilal; ri banal etzelal, ri c'äjisabal u wäch che ri retzelal.”

—Ri Ezequiel 18.20

“Rajawaxic u banic nimak'ij, rajawaxic chi cujquicotic, rumal rech chi we a chak' ri' ri cäminak chic, xc'astaj c'ut. Xsach na, xriktaj c'ut.’”

—Ri Lucax 15.32

Ri tojbal ri cuya' ri macaj, are ri cämical.

—Aj Romab 6.23a

Xebitaj we jastak ri', xurak u chi' ruc' chuk'ab, xubij: "Lazaro, chatel ulok." Xel ulok ri cäminak canok, yutuyo'j ri rakan u k'ab che botz'obal, ri u palaj pisom pa jun su't. Ri Jesus xubij chque: "Chiquira', chitzokopij bic." –Ri Xuan 11.43, 44

"Rumal rech wa' quinulok'ok'ej ri Tata-xel, chi ri in quinya' ri nu c'aslemal, che u c'amic chic. Man c'o ta jun qesan chwe, xane' in quinyo'w pa we wi. C'o pa nu k'ab ri u ya'ic ri nu c'aslemal, xukuje' c'o pa nu k'ab ri u c'amic chic. We takanic ri' xin c'am che ri nu Tat." –Ri Xuan 10.17, 18

Xkeb ruc' ri cäminak, xuchap ocok ri telem wi. Ri e teleninak xetaq'ui'c. Ri Jesus xubij: "Ala, quimbij chawe, chatwalijok." Xt'uyi' c'u ri xcäm na, xuchaplej tzijonic. –Ri Lucax 7.14, 15a

"In ri' ri c'aslic. Xincäm na. Chawilampe', in c'asal c'u chbe k'ij sak. C'o ri e u laweyil ri cämical wuc' xukuje' ri re ri qui c'olbal ri cäminakib." –Ri K'alajisanic 1.18

Ri q'uisbal c'ulel ri cusach na u wäch, are ri cämical. –Nabe aj Corintib 15.26

[Xubij ri AJAWAXEL:] "Mec'oji' jule' tak a diosib chic we ta ma ta xuwi ri in.

Maban jun a dios mawi u wächbal ri' ri c'o ajsic pa ri caj, mawi u wächbal ri c'o iquim chuwäch ri uwächulew, mawi u wächbal ri c'o chupam ri plo chuxe' ri ulew. Mapachba' awib chquiwäch mawi mebaya' k'ijilanic chque....

Itzel u cojic u bi' ri Ajawaxel ri a Dios mabano, ri are' man cuya' ta can ri winak chi ma ta cuc'äjisaj u wäch jachin ri itzel u cojic ri u bi' cubano.

Mäsach ri k'ij re uxlanem pa a jolom che u tasic jacha' che u k'ijilaxic ri Ajawaxel, jas ri takanic ri u yo'm ri Ajawaxel chawe. Wakib k'ij chatchacunok, chebabana' c'u pa tak we k'ij ri' ronojel ri rajawaxic u banic awumal.

Nim chawila' wi ri a tat xukuje' ri a nan....

Matcämisanic.

Matkaj pa mac ruc' jun winak chic.

Mateläk'anic.

Mebaban banoj tzij che u banic c'ax che ri awajil a tz'akat.

Marayij...apachique jasach ri rech ri awajil a tz'akat."

—Ri Camulixic ri Pixab 5.7-21a

“Ri Dios cuyuxlej ri e u xo'l tak rakan ri winak reta'm c'u qui wäch conojel tak ri e u binem. Man c'o ta k'ekumalil ri sibalaj ta räxcanacoj ri cäcuin taj cäc'u'n ri banal etzelal.”
—Ri Job 34.21, 22

¿Jawije' ta ri quincuinic quinbe wi, naj che ri uxlabal la? ¿Jawije' ta ri quinanimaj wi bic, ri ma ta quinil la? We ta quinpaki' c'ä paquiwi' ri caj, chila' lal c'o wi, we ta quinkaj c'ä chuxe' ri ulew, xukuje' lal c'o chila'. Ri k'eku'm man cäcuin ta ri' quinu'u' chwäch la; ixak junam ri k'ekumalil xukuje' ri sakilal che la!
—Salmib 139.7, 8, 12

Ri Ajawaxel c'o pa ronojel c'olbal, coc il che quilic ri e utz xukuje' ri e itzel.
—E C'ambal tak Tzij 15.3

Man c'o ta jun jasach banom ta cho ri uwächulew c'u'm ta chuwäch ri Dios. Conojel ri jastak e ch'anach'oj xukuje' e k'alaj chuwäch ri u bak'wäch ri Jun ri cäkabij wi na jas ri ka banom.

—Aj Hebrejib 4.13

“Conojel ri jastak ri e c'utalic, quek'alajisax na. Conojel ri jastak ri e awatalic, quebel na chi sak rech quetamaxic.”
—Ri Lucax 8.17

22 JUNALIC C'ÄJISABAL WÄCH QUE RI MAN E RECH TÄ RI DIOS

“Ri Rija'l winak quebutak na ri aj cajalaj tak tako'nib che qui molic chupam ri rajawibal conojel ri quebanowic chi quemacun jule' chic, xukuje' ri qui nak'atisam quib che u banic ri etzelal. Quequiq'uiak na pa ri jorno re k'ak' ri quebok' wi na ri cakuch'uch' wi na ri qui ware.”
—Ri Matey 13.41, 42

Ri e banal etzelal, xukuje' ri quequik'ijilaj diosib, ri cäsach ri Dios pa qui jolom, caq'uis na tzij paquiwi' chupam ri ajawibal rech ri cämical. —Salmib 9.17

Are c'u ri caj ulew ri e c'o camic, e chajin rumal ri u tzij ri Dios c'ä pa ri k'ij re k'atoj tzij, queporox c'u na, aretak cäsach na qui wäch ri winak ri man cäquiya' ta u k'ij ri Dios. —Ucab Lu' 3.7

Ri e are' cäquirik na ri u tojbalil ri qui mac. Cäsach na qui wäch chbe k'ij sak, que-tastaj na chuwäch ri Ajawaxel, naj queya' wi na che ri u juluwem xukuje' ri u chuk'ab. —Ucab aj Tesaloniquib 1.9

“Quebe c'u na wa' pa ri junalic c'äjisabal wäch. Are c'u ri e suc' quebe na pa ri junalic c'aslemal.”
—Ri Matey 25.46

CÄK'AT NA TZIJ PAKAWI' KONOJEL 23

“U chomam c'u ri Dios jun k'ij ri cuk'at na tzij puwi' ri uwächulew ruc' suq'uילal, rumal jun achi ri u cha'om are'; xuya' c'u c'utbal chque conojel aretak xuc'astajisaj.”

–Banoj 17.31

Jeri' reta'm ri Ajawaxel queresaj chu-wäch ri takchibal mac conojel ri queniman che ri Dios. Xukuje' reta'm quebutas can ri man e suc' taj rech cuc'äjisaj qui wäch pa ri k'ij re ri k'atoj tzij.

–Ucab Lu' 2.9

Rajawaxic c'ut chi konojel cäkatac'aba' na kib chuwäch ri u k'atbal tzij ri Crist, rech chkajujunal cäkac'am na ri tojbal re ri ka banom aretak c'ä uj c'o pa ri ka cuerp, we utz, we man utz taj.

–Ucab aj Corintib 5.10

K'atom c'ut paquiwi' ri winak chi xa' jumul quecämıc, chwi chi c'u wa' ri k'atan tzij.

–Aj Hebrejib 9.27

Xebenwil ri cäminakib chi nimak chi ch'utik, ri e tac'atoj chuwäch ri tem re ajawibal. Xejaktaj c'u tak ri wuj. Xukuje' jun wuj chic xjakic, are wa' ri wuj re ri c'aslemal. Xk'at tzij paquiwi' ri cäminakib chquij ri jastak ri qui banom.

–Ri K'alajisanic 20.12a

24 RI JESUCRIST CUTOK'OBISAJ KA WÄCH

Ri u sipanic ri Dios chke, man cä-junamataj ta ruc' ri mac. Kastzij xecäm q'ui winak rumal rech ri u mac xa' jun winak, ri Adan. Are nim c'u na u banic ri xuban ri Dios chque q'ui winak ruc' ri u tok'ob, rumal ri utzil ri xuban xa' jun winak, ri Jesucrist. —Aj Romab 5.15

“Ri Dios quebuc'ulelaj ri winak ri nimak cäquina' quib, cuban c'u tok'ob chque ri e mach'amoj.” —Nabe Lu' 5.5b

Iweta'm c'ut ri u tok'ob ri Kajaw Jesucrist. Ri are' k'inom, xux c'u meba' rumal iwech, rech quixux k'inom rumal ri u mebayil. —Ucab aj Corintib 8.9

Pune' sibalaj nim ri qui mac ri winak, are c'u c'o na ri nimalaj u tok'ob ri Dios. Rech jeri', jacha' chi ri mac xajawin che cämical, je c'u ri' xukuje' ri tok'ob chajawin che suq'uilal che junalic qui c'aslemal rumal ri Jesucrist, ri Kajaw.

—Aj Romab 5.20b, 21

E are' c'u ri takomxenlab ruc' nimalaj cuinem xquibij chque ri winak chi ri Cajaw Jesus xquilo xc'astajic. Ri nimalaj u tok'ob ri Dios c'o paquiwi' conojel.

—Banoj 4.33

“Pa tak ri k'ij aretak ri winak man xquich'ob taj, ri Dios xak xrilo. Camic c'ut cuya' u tzijoxic chque conojel ri winak pa ronojel tinimit chi chquiq'uexa' qui c'u'x.”

–Banoj 17.30

“Quinbij chiwe chi man je taj. Xane' we man quiq'uex i c'u'x, xa' junam cäsach na i wäch iwonojel.”

–Ri Lucax 13.3

Je c'u cubij wa': “Chiq'uexa' i c'u'x, rumal rech chi nakaj chic c'o wi' ri rajawibal ri Dios.”

–Ri Matey 3.2

Ri Lu' xutzelej u bixic chque: “Chq'uexa' c'u'x alak, chban c'ut ri bautism alak pa ri u bi' ri Jesucrist chjunal alak, chuc'utic chi e cuyutajinak chic ri mac alak, cäc'am c'u alak ri cochinic ri are' ri Ruxlabal ri Dios.” “Rumal ri' q'uexa' c'u'x alak, tzelej alak ruc' ri Dios, rech ri Dios quebuchupisaj tak ri e mac alak, craj c'u ne ri Ajawaxel quebutak ulok tak k'ijol re jamaril chech alak.”

–Banoj 2.38; 3.19

Ri bis ri cuya' ri Dios cuban che jun chi cuq'uex u c'u'x rech cäcolotajic. Man c'o ta c'u bis rumal wa'. Are c'u ri bis re ri uwächulew cuya' cämical.

–Ucab aj Corintib 7.10

“We c'u ri banal etzelal cuk'il rib cutanaba' c'u qui banic conojel ri macaj ri e u banom can nabe, quebutz'akatisaj c'ut qui banic conojel ri e nu pixab are c'u cuban ri colom xukuje' ri suc', kastzij cutakej c'aslemal man cäcäm taj.”

—Ri Ezequiel 18.21

Ri banal etzelal chuya' can ri itzel u be, ri itzel winak chebuya' can ri itzel tak u chomanic chixtzelej ruc' ri Ajawaxel, quel c'u na u c'u'x chiwe chixtzelej ruc' ri ka Dios, xak c'u ix reyem che u sachic ri i mac.

—Ri Isaiy 55.7

Xril c'u ri Jesus ri qui cojonice, xubij che ri achi ri cäminak u cuerp: “Nu c'ojol, ri a mac e cuyutajinak.”

—Ri Marcux 2.5

“Chawilampe', in tac'al chuchi' ri ja, quin c'orc'otic. We c'o jun cuta' ri nu ch'abal cujak c'u ri uchi'ja, quincoc na ruc' pa ri ja', quinwa' na ruc', xukuje' c'u ri are' wuc' in.”

—Ri K'alajisanic 3.20

Xukuje' xtz'ibax canok chi cätzijox na chque conojel ri winak, pa conojel nimak tak tinimit chi cäquiq'uex qui c'u'x pa ri u bi' ri Crist rech cäsachtaj ri qui mac, chi cächapletaj bic u tzijoxic wa' pa Jerusalen.”

—Ri Lucax 24.47

TAK RI MAC

Chebichomaj ba' ri jastak ri e aj chicaj, man are ta ri e re ri uwächulew.

–Aj Colosayib 3.2

Miban iwe ri jastak ri man c'o ta quech-bex chque; ri cäquiban ri winak ri e c'o pa ri k'eku'm, xane' chebiya' chi sak.

–Aj Epesib 5.11

Milok'ok'ej ri uwächulew, mawi ri jastak ri e c'o cho ri uwächulew. Apachin ri culok'ok'ej ri uwächulew, man culok'ok'ej ta ri' ri Tataxel. Ronojel ri c'o cho ri uwächulew, ri itzel u rayibal ri ka ti'jal, ri itzel u rayibal ri ka bak'wäch, ri jastak ri man c'o ta qui patan ri nim quekil wi pa ri ka c'aslemal, ronojel wa' man ruc' ta ri Tataxel quel wi ulok, xane' cho ri uwächulew.

–Nabe Xuan 2.15, 16

¡Ix ri man ix jic taj chrij ri Dios! ¿La ma ta iweta'm chi jun ri carachilaj ri uwächulew, are ri' u c'ulel ri Dios? Jachin c'u ri cäraj cärachilaj rib ruc' ri uwächulew, cu-coj rib che u c'ulel ri Dios. –Ri Santiag 4.4

“¡Chich'aja' iwib, chjosk'ij iwib! ¡Chebi-najtajisaj ri iwetzelal chnuwäch! ¡Chik'ila iwib che u banic ri man utz taj!”

–Ri Isaiy 1.16

“Quincoj na jun c'ac' anima' chiwe xukuje' jun c'ac' uxlabal. Quinwesaj na chiwe ri cowilaj iwanima' jacha' ri abaj quincoj na jun ch'uch'ujalaj iwanima'.”

–Ri Ezequiel 36.26

We quich'obo chi suc' ri are', chiwetamaj ba' xukuje' chi conojel ri cäquiban suq'uil, e are ri' e ralc'ual ri Dios. Keta'm chi apachin ta ne ri e alc'ualam rumal ri Dios man quebin ta pa ri mac. Are ri u C'ojol ri Dios quechajinic, man quenak ta c'u rumal ri itzel.

–Nabe Xuan 2.29; 5.18

Ri Jesus xubij che: “Kastzij, kastzij quin bij chawe, apachin ri man calax ta chi na jumul, man cäcuin ta che rilic ri rajawibal ri Dios.”

–Ri Xuan 3.3

Je c'u ri', we c'o jun c'o pa Crist, c'ac' winakirisam chic: ri ojer tak jastak xebo-c'owic; chiwilampe', e c'ac' conojel ri e c'o chic.

–Ucab aj Corintib 5.17

Yo'm jun c'ac' i c'aslemal je ta ne jun alaj ne' c'äte xalaxic. Man yo'm ta wa' rumal winak ri cäsach u wäch, xane' rumal ri man cäsach ta u wäch, rumal ri u tzij ri c'aslic Dios, ri cäc'oji' chbe k'ij sak.

–Nabe Lu' 1.23

UJ CÄMINAK CHIC CHQUIWÄCH 29 RI MAC – UJ C'ASLIC PA CRIST

Ri ix nabe ix cäminak pa tak ri iwetzalal xukuje' pa tak ri i mac. Ri Dios xujuc'astajisaj junam ruc' ri Crist Jesus, xukuje' xuban chke chi xujut'uyuba' ruc' pa ri caj. –Aj Epesib 2.1, 6

Ri Crist xebuc'am bic ri ka mac chrij ri u cuerp cho ri ripibal, rech aretak uj cäminak chic chquiwäch ri mac, cujc'asi' na, cäkaban na ri suc'. Rumal ri u socotajic ri are', ri ix xixcunatajic.

–Nabe Lu' 2.24

We ix c'astajinak chi ruc' ri Crist, chebitzucuj ba' ri jastak aj chicaj, jawije' ri t'uyul wi ri Crist pa ri u wiquiak'ab ri Dios. Chebichomaj ba' ri jastak ri e aj chicaj, man are ta ri e re ri uwächulew. Ix cäminak chi c'ut, are' c'u ri i c'aslemal c'u'tal ruc' ri Crist pa ri Dios. Ri Crist are' ri i c'aslemal. Aretak cäpetic, c'äte ri' ri ix xukuje' quixc'oji' na ruc' pa juluwem.

–Aj Colosayib 3.1-4

Ri e rech ri Crist Jesus qui ripom chic ri qui banic aj winak re mac, ruc' ronojel ri man utz taj ri cäraaj xukuje' ruc' ri itzel u rayinic. We uj c'asc'oj rumal ri Uxlabaxel, chäkaya' ba' chi ri Uxlabaxel cäc'amow ka be.

–Aj Galasib 5.24, 25

Ri jun cutic ri cärajä ri u rayibal aj winak re mac, cuyac na che ri rayibal re mac ri cämical. Are c'u ri jun ri cutic ri cärajä ri Uxlabaxel, cuyac na che ri Uxlabaxel ri junalic c'aslemal. —Aj Galasib 6.8

“Je jas xuban ri Moises pa ri chaki'j uwo sak, xuwalijisaj ri cumätz, xukuje' jeri' rajawaxic chi ri Rija'l Winak cäwalijisax na. Rech conojel ri quecojon che ri are', quec'oji' junalic qui c'aslemal.”

—Ri Xuan 3.14, 15

“Are c'u wa' ri junalic c'aslemal: Chi cäquich'ob wäch la, xuwi ri lal kas Dios, xukuje' cäquich'ob u wäch ri Jesucrist, ri takom la ulok.”

—Ri Xuan 17.3

“Ri cäcojon che ri C'ojolaxel, c'o junalic u c'aslemal. Ri man cäcojon ta che ri C'ojolaxel, man c'o ta u c'aslemal, xane' ri royowal ri Dios cakaj na puwi'.” “Kastzij, kastzij quinbij chiwe: Apachin ri cutatabej ri nu tzij, ri cäcojon che ri xintakow ulok, c'o junalic u c'aslemal. Man cäc'äjisax ta u wäch, xane' xel pa cämical, xk'ax pa c'aslemal.”

—Ri Xuan 3.36; 5.24

Ri tojbal ri cuya' ri macaj, are ri cämical; are c'u ri cochinic ri cuya' ri Dios, junalic c'aslemal pa ri u rikic kib ruc' ri Crist Jesus, ri Kajaw. —Aj Romab 6.23

RALC'UAL RI DIOS

Kas are' ri Uxlabaxel ruc' ri kanima' junam quek'alajisanic chi uj ralc'ual ri Dios.
 –Aj Romab 8.16

Are wa' ri k'alajisanic: chi ri Dios u yo'm junalic ka c'aslemal; are c'ut we c'aslemal ri' rumal ri u C'ojol. Apachin ri c'o ri C'ojolaxel ruc', c'o xukuje' we c'aslemal ri' ruc'; apachin c'ut ri man c'o ta ri u C'ojol ri Dios ruc', man c'o ta we c'aslemal ri' ruc'. We jastak ri' e nu tz'ibam chiwe, rech quiwetamaj chi c'o junalic i c'aslemal.

–Nabe Xuan 5.11-13a

“Jachin ri c'o ri nu takomal ruc', ri u nimam c'ut, are ri' ri quinulok'ok'ej. Jachin c'ut ri quinulok'ok'ej, ri are' cälök'ok'ex na rumal ri nu Tat, ri in quinlok'ok'ej c'u na, quinc'ut c'u na wib chuwäch.”

–Ri Xuan 14.21

Rumal rech chi ix alc'ualaxelab, ri Dios xutak ulok ri Ruxlabal re ri u C'ojol pa ri iwanima'. Ri Ruxlabal curak u chi', cubij: “iNu Tat!”

–Aj Galasib 4.6

Ri cac'utuw chkawäch chi ri uj uj jekel pa ri Dios xukuje' chi ri are' jekel pa ri uj, u yo'm c'u ri Ruxlabal. –Nabe Xuan 4.13

**32 RI U C'OLEM RI CRIST PA RI
ANIMA'AJ CUC'AM ULOK QUICOTEMAL**

Chanim quinbe uc' la. Quintzijo^j we jastak ri' cho ri uwächulew, rech cäc'o^ji' ri nu quicotemal cuc' ri e are', cätz'akatisax ri nu quicotemal pa ri canima'.

–Ri Xuan 17.13

“Quinwil chi c'u na i wäch jumul, cäquicot c'u na ri iwanima', ri man c'o ta c'u junquesan ta na chiwe.”

–Ri Xuan 16.22b

Ri rajawibal c'u ri Dios man wa ja' taj, xane' suq'uⁱil, jamaril xukuje' quicotemal rumal ri Ruxlabal ri Dios.

–Aj Romab 14.17

Xukuje' ri ix cuya' quixbec qui wuq'ui^aij iwe ruc' quicotemal che ri u q'uiyibal ri colobal ib.

–Ri Isaiy 12.3

“Junam xinrip ruc' ri Crist cho ri ripibal. Man in ta chic in c'aslic, xane' are ri Crist c'asal pa ri wanima'. Ri nu c'aslemal pa ri nu cuerp camic, quinwoc'owisaj pa ri cojonⁱc che ri u C'o^jol ri Dios, ri xinulok'ok'e^jxukuje' xuya' ri u c'aslemal rumal wech.”

–Aj Galasib 2.20

“We jastak ri' nu tzijom chiwe, rech ri nu quicotemal cäc'o^ji' na pa ri iwanima', rech ri i quicotemal cätz'akatic.”

–Ri Xuan 15.11

CHE RI DIOS

¿La ma ta iweta'm chi, we quijach iwib che u banic lok'om tak pataninelab che u patanixic jun winak, ix pataninelab ri' quixc'oji' ri' che u nimaxic? We are qui-patanij ri mac, quixcäm na. We c'u are quinimaj ri Dios, cuban na suc' chiwe.

—Aj Romab 6.16

Are' c'u ri chiwe ix ri i rikom c'axc'olil, cuya' na uxlanem chiwe junam kuc', aretak ri Ajaw Jesus cäpe ulok chicaj, cuc'ut rib chkawäch e rachilam ri u tako'nib aj caj ri c'o qui chuk'ab. Cäpe na pa u xak k'ak', cutoj na u q'uexel chque ri man queta'm ta u wäch ri Dios, ri man queniman ta che ri u tzij ri Kajaw Jesus re colobal ib.

—Ucab aj Tesaloniquib 1.7, 8

“Camic quinya' chiwe chi quicha' ri tewichibal o ri c'okenic. Tewichibal, we quixoc che qui nimaxic ri u takomal ri Ajawaxel ri i Dios ri ix nu takom che camic. C'okonic, we quebiterenej, diosib ri man etamatal ta qui wäch, man quebinimaj ta c'ut ri e u takomal ri Ajawaxel, ri i Dios quitas c'u iwib quiya' can ri be ri ix nu takom che u ternexic camic.”

—U Camulixic ri Pixab 11.26-28a

34 CÄKABIJ CHQUE RI WINAK
CHI CÄQUICU'BA' QUI C'U'X
CHRIJ RI CRIST

Rech conojel cäquich'obo xukuje' cäquibij chi ri Jesucrist are Ajawaxel, jeri' cänimarisax u k'ij ri Dios Tataxel.

—Aj Pilipsib 2.11

“We c'o jachin quink'alajisan chquiwäch ri winak, ri in xukuje' quink'alajisaj chuwäch ri nu tat ri c'o pa ri caj. Ri man quink'alajisaj ta chquiwäch ri winak, xukuje' ri in man quink'alajisaj ta chuwäch ri nu Tat ri c'o pa ri caj.” —Ri Matey 10.32, 33

Apachin c'ut ri cäk'alajisanic chi ri Jesus are' u C'ojol ri Dios, jekel ri Dios pa ri are', xukuje' ri are' pa ri Dios.

—Nabe Xuan 4.15

We cak'alajisaj ruc' ri a chi' chi ri Jesus are ri Ajawaxel, xukuje' we cacoj ruc' awanima' chi are' ri Dios xc'astajisan chquixo'l ri cäminakib, catcolotaj na. Ruc' ri anima' caban wi ri cojonc che ri suq'uil; ruc' ri chi'aj caban wi ri k'alajisanic che ri colobal ib.

—Aj Romab 10.9, 10

Apachin ri man cuya' ta u k'ij ri C'ojolaxel, man c'o ta ri' ri Tataxel ruc' apachin ta c'u ne cuya' u k'ij C'ojolaxel, c'o ri' ri Tataxel ruc'.

—Nabe Xuan 2.23

Chichomaj jas ri quibano, chixc'asc'atok. Ri i c'ulel, ri itzel, cusutij iwij je jas jun coj curak u chi' cutzucuj jachin cubik'o. Chik'atij ba' u wäch ri itzel, co chixtac'al pa ri cojonico. —Nabe Lu' 5.8, 9a

C'äte ri' ri Uxlabaxel xuc'am bic ri Jesus pa ri chaki'j uwo sak, rech cac'ambejex rumal ri itzel. Xubij c'u ri Jesus che: “jät, Satanas! Tz'ibatal c'ut: ‘Chak'ijilaj ri Ajawaxel a Dios, xak xuwi c'u ri are capatanij.’” Xutas c'u rib ri itzel che ri Jesus, xebopan jujun tak tako'n aj caj che u patanixic. —Ri Matey 4.1, 10, 11

Are c'u ri camic, wachalal tak, chicowirisaj iwib pa ri Ajawaxel Jesus, xukuje' pa ri u cuinem ri u chuk'ab. Chito' iwib ruc' conojel ri ch'ojibal ri cuya' ri Dios chiwe. Jeri' quixcuinic co quixtaq'ui' chuwäch ri itzel, ri cäraj quixusubu ruc' ri itzel tak u no'j. —Aj Epesib 6.10, 11

Ri itzel cämisanel kas pa ri tiquiritajic. Man jekelinak ta pa ri kastzij, rumal rech chi man c'o ta ri kastzij ruc'. Aretak cubij banoj tzij, ...rumal rech chi ri are' banal tzij, xukuje' ri are' u tat ri banoj tzij.

—Ri Xuan 8.44b

36 CUJCH'ÄCAN NA PUWI' RI ITZEL

Jas ri alc'ualaxelab c'o qui ti'jal xukuje' c'o qui quiq'uel, xukuje' ri Jesus junam xuc'am re cuc'. Je xubano, rech rumal ri u cämical, cusach u wäch ri jun ri c'o u takanic puwi' ri cämical, are wa' ri itzel.

—Aj Hebrejib 2.14

Apachin ri cuban mac, rech ri itzel ri'. Ri itzel macuninak ulok kas pa ri u tiquiritajic. Rumal c'u ri' xpe ri u C'ojol ri Dios, che qui sachic qui wäch ri e u chac ri itzel.

—Nabe Xuan 3.8

¿Jachin ta cujtasow chrij ri lok'ok'ebal u c'u'x ri Crist? ¿la c'axc'olil? ¿la nimalaj bis? ¿la okatanic? ¿la wija'l? ¿la ch'analiquil? ¿la ri xak quieb cubij pakawi' we ne cuj-cämic? ¿la ch'ich' re ch'o'j? Pune' cäkarik conojel we jastak ri', cujch'äcan na puwi' ronojel, rumal ri jun ri xujulok'ok'ej.

—Aj Romab 8.35, 37

Chijacha' ba' iwib pa u k'ab ri Dios. Chik'atij u wäch ri itzel, canimaj c'u na chiwäch. Chixkeb ruc' ri Dios, ri are' xukuje' cäkeb na iwuc'.

—Ri Santiag 4.7, 8a

Camic ri k'ijol ri cäban ri k'atoj tzij puwi' we uwächulew ri'. Camic quesax na bic ri c'o u takanic puwi' we uwächulew ri'.

—Ri Xuan 12.31

**RI LOK'OK'EBAL C'UXAJ ARE 37
C'UTBAL RE JUN TIJoxel RE RI CRIST**

We ta quinch'aw pa ri qui ch'abal ri winak, xukuje' ta c'u ne pa ri quech ri tako'nib aj chicaj, ma ta c'u c'o lok'ok'ebal nu c'u'x, quinux ri' jas jun quiäk ch'ich' ri cätzilnajic, o jun quetequic ch'ich' ri cä-ch'arnajic. –Nabe aj Corintib 13.1

“We quinilok'ok'ej, quebinimaj na ri' ri e nu takomal.” –Ri Xuan 14.15

We c'o jun cubij: “In quinlok'ok'ej ri Dios”, cätajin c'u ne cäretzelaj u wäch ri rachalal, xa banal tzij ri'. Apachin ri man culok'ok'ej ta ri rachalal ri rilom, ¿jas ta c'u lo cubano cäcuin ta che u lok'ok'exic ri Dios ri man rilom taj? –Nabe Xuan 4.20

“Rumal c'u wa' conojel cäquetamaj na chi ix nu tijoxelab, we quilok'ok'ela' iwib.” –Ri Xuan 13.35

Uj keta'm chi uj elinak chic pa ri cämic-al, uj c'o chic pa ri c'aslemal, ketamam c'ut rumal rech chi quekalok'ok'ej ri kachalal. Apachin c'u ri man culok'ok'ej ta ri rachalal, cäminak na ri'. –Nabe Xuan 3.14

Ri u lok'ok'exic ri Dios are ri qui nimaxic ri cäquibij ri e u takomal. Ri e u takomal man e al taj. –Nabe Xuan 5.3

**38 RI JESUS XC'ASTAJ CHQUIXO'L
RI CÄMINAKIB**

Are ri Jesus ri xjach pa ri cämical rumal rech ri ka mac, xc'astaj c'ut rumal rech ri ka k'alajisaxic chi uj suc' chic chuwäch ri Dios.
—Aj Romab 4.25

“Ri uj c'ut xekil ri jastak ri xuban ri Jesus pa tak ri culew ri aj judeyib xukuje' pa Jerusalem. Xc'am c'u bic pa cämisaxic xtzayabax cho jun ripibal. Ri Dios c'ut xuc'astajisaj churox k'ij, xuban c'ut chi xuc'ut rib chkawäch. Man xuc'ut ta rib chquiwäch conojel ri winak, xane' chquiwäch ri e cha'tal rumal ri Dios rech cäquilo. Uj ri' ri xujwa' ruc', ri xujuqu'uan ruc' aretak c'astajinak chic chquixo'l ri cäminakib.”
—Banoj 10.39-41

...Jumul chic e c'o ri u tijoxelab pa ri ja, xukuje' ri Max c'o cuc'. Pune' e tz'apitz'oj ri e u chi' ri ja, xopan ri Jesus, xtaq'ui' pa qui niq'uiajil, xubij: “Chc'ol jamaril iwuc'.” Xubij c'u che ri Max: “Tasaj, chacojo ri u wi' a k'ab waral, chebawila' ri nu k'ab. Tasaj, chanima' ri a k'ab pa ri nu c'alc'a'x. Maquieblaj a c'u'x. Chatcojonok.” Ri Max xubij che: “¡Wajaw, xukuje' nu Dios!”

—Ri Xuan 20.26-28

CUJC'ASI' NA JUNAM RUC' 39
RI JESUS

“Mimay wa', cäpe c'u na ri jok'otaj, aretak conojel ri cäminakib cäquita' na ri u ch'abal, quebel na ulok pa tak ri mukubal. Ri winak ri xquiban ri utz quec'astaj na rech cäc'oji' na qui c'aslemal; e are c'ut ri winak ri xquiban etzelal, quec'astaj na che c'okotajem.”

—Ri Xuan 5.28, 29

¿La ma ta iweta'm chi aretak xban ri ka bautism, are' jun c'utbal wa' chi uj juna-tajinak chic ruc' ri Crist Jesus pa ri u cämical? Ri ka bautism are' jun c'utbal chi uj mukutajinac ruc' ri Crist pa ri u cämical, rech xukuje' ri uj cujbin na pa ri c'ac' c'aslemal, jacha' ri u walijisaxic ri Crist chquixo'l ri cäminakib rumal ri u juluwem ri Tataxel. We c'u uj junam chic ruc' ri Crist pa ri u cämical, jeri' xukuje' uj junam ruc' pa ri u c'astajibal.

—Aj Romab 6.3-5

Ri Dios xuc'astajisaj ri Jesus chquixo'l ri cäminakib. We ri Ruxlabal ri Dios ri c'o pa ri iwanima', ri xc'astajisan ri Jesus chquixo'l ri cäminakib cuya' na qui c'aslemal ri i cuerp ri cäcämich, rumal ri Uxlabaxel re ri c'o pa ri iwanima'.

—Aj Romab 8.11

40 JUN TASTALICALAJ C'ASLEMAL CRAJ RI DIOS

Xebulusolij ru winak, xebucolo. Chi cuj resaj na pa qui k'ab ri ka c'ulel, rech cuj patanin che, man ruc' ta xe'n ib, cujc'oji' c'u chuwäch pa suq'uילal pa tastaliquil, conojel ri e u k'ij ri ka c'aslemal.

—Ri Lucax 1.68b, 74, 75

Lok'alaj tak wachalal, are wa' ri u bim ri Dios chi cuya' na chke. Rumal ri' chkesaj ba' pa ri ka c'aslemal conojel ri jastak ri e tz'il ri e c'o pa ri ka cuerp xukuje' pa ri kanima'. Chkaxe'j kib chuwäch ri Dios, rech cujux tastalic tak winak pa ronojel.

—Ucab aj Corintib 7.1

Are wa' cäraj ri Dios, chi quixux tastalic tak winak, chi man quiban ta macunic cuc' ixokib achijab. Chi chijujunal che'ol u tij puwi' ri kas u cuerp pa tastaliquil xukuje' pa nim ilic. Ri Dios c'ut man uj u siq'uim taj rech cäkaban tz'ilalaj tak jastak, xane' rech cujux tastalic tak winak. —Nabe aj Tesaloniquib 4.3, 4, 7

Xane' jas ri Dios ri xixusiq'uij, are tastalic, xukuje' ri ix chixux tastalicalaj tak winak pa ronojel ri quibano. Tz'ibatall c'ut cubij: “Chixux tastalicalaj tak winak chrij ri etzelal rumal rech chi ri in in tatalicalaj Dios chrij ri etzelal.” —Nabe Lu' 1.15, 16

JUN TASTALICALAJ C'ASLEMAL 41
CRAJ RI DIOS

Ri Dios xujucha' pa ri Crist aretak c'ä majok cätiquitaj ulok ri uwächulew, rech cujux tastalic tak winak, cujc'o'ji' chuwäch ri are', man c'o ta ka mac. Are' chiwatz'iakij ri c'ac' c'aslemal, jas ri cakaj chuwäch ri Dios, kas pa suq'uילal xukuje' kas pa ri ch'ajch'ojil, ri catakan wi ri u kastzij.

—Ri Epesib 1.4; 4.24

Cäc'o'ji' na jun be, ri cabinax na “ri Be ri Tastalic”. Ri man e ch'ajch'oj taj man cuya' ta caquibinibej; ri man c'o ta qui no'j man cuya' ta cäquibinibej.

—Ri Isaiy 35.8

We c'u quekak'alajisaj ri e ka mac, cuya' cakacuba' ka c'u'x chi ri Dios cuban na jachique ri suq'uילal: quebucuy c'u na tak ri e ka mac, queresaj c'u na conojel ri ketzalal.

—Nabe Xuan 1.9

Chicojo' ri chuk'ab che ri c'olem pa jamaril cuc' conojel xukuje' ri ruc'axic jun tastalic c'aslemal; we c'u man jewa', man c'o ta jun cäcuinic querila' u wäch ri Ajawaxel.

—Aj Hebrejib 12.14

Chiya' u k'ij ri je'lalaj u bi' ri Ajawaxel; chik'ijilaj ri Ajawaxel pa ri je'lalaj u k'ijilabal.

—Salmib 29.2

42 ACHIJAB E NOJINAK CHE RI U XLABAXEL

“We ri ix c'ut ix itzel tak winak, iweta'm quiya' utzalaj tak sipanic chque ri iwal-c'ual, je ta c'u lo ri i Tat aj chicaj cuya' na ri Ruxlabal ri Dios chque ri winak ri cä-quita' che!”
—Ri Lucax 11.13

Aretak qui banom chi ch'awem ruc' Dios, xyicop ri c'olbal ri qui mulin wi quib. Conojel c'ut xenojisax che ri Ruxlabal ri Dios. Xquicoj c'u qui chuk'ab che u tzijoxic ri u tzij ri Dios.
—Banoj 4.31

“Quincoj c'u na ri wuxlabal chiwe ix, quin ban c'u na chi quebitz'akatisaj tak ri nu pixab xukuje' tak ri e nu tz'ibam.”
—Ri Ezequiel 36.27

Are c'u ri ix man ix c'o ta pa ri u takanic ri u rayibal ri i banic aj winak re mac. Xane' ix c'o pa ri u takanic ri Uxlabaxel, we jekel ri Ruxlabal ri Dios pa ri iwanima'. We c'o jun ri man c'o ta ri Ruxlabal ri Crist pa ranima', ri are' man rech ta ri Crist.
—Aj Romab 8.9

“Aretak c'u chpe ri Ruxlabal ri Dios piwi', quic'am na cuinem quixel c'u na bic che u ya'ic k'alajisanic chwij.”
—Banoj 1.8a

Ri Ajawaxel nakaj c'o wi che quito'tajisaxic ri u banom ch'akatak ri canima', qui tzakom c'ut ri eyebal c'uxaj. –Salmib 34.18

Ri Jesus xubij che: “We catcuinic catcojonic, ronojel c'ut cuya' cäbantajic che ri jun ri cäcojonic.” –Ri Marcux 9.23

Lok'alaj tak wachalal, mixmayin che ri c'ax ri quiriko, je ta ne jun k'ak' ri cänicow chixo'l. Are cäpe piwi' che u k'alajisaxic we utz quibano o man utz taj. Miwilo je ta ne ri quic'ulmaj jun jasach ri man iweta'm taj. Xane' chixquicotok, rumal rech chi quic'am iwe ri u c'axc'olil ri Crist. Jeri' xukuje' aretak quiwil na chi cäpe ri Crist, nim u k'ij cäpetic, quixquicot na ruc'nimalaj quicotemal. –Nabe Lu' 4.12, 13

“Cusu' na ronojel ri u wa'l qui wäch ri e ok'inak. Man c'o ta chi cämical. Man c'o ta chi bis, man c'o ta chi curak u chi' rumal c'ax, mawi c'o chi k'oxowem. Xeboc'ow c'ut ri nabe tak jastak.” –Ri K'alajisanic 21.4

“Rumal c'u ri' are chicojo' i chuk'ab che u rikic ri rajawibal ri Dios chibana' c'ut ri cutok'ij ri Dios, quebic'am c'u na xukuje' conojel tak we jastak ri'.” –Ri Matey 6.33

**44 JUJUN TAK TZIJ CHQUE RI
 QUETAKCHI'X CHE MAC**

**Ri Dios aj jamaril, cuban na' chi cuxak'alej
ri Satanas chuxe' ri iwakan.**

–Aj Romab 16.20a

**We rajawaxic catk'ax pa ri ja', ri in
quinc'oji' na awuc', we rajawaxic catk'ax
pa tak ri nima' man catjik' ta na, we
rajawaxic catoc'ow pa ri k'ak', man catc'at
ta na.**

–Ri Isaiy 43.2a

**Man i rikom ta c'u jun c'ambejenic ri ma
ta aj winak; jic c'ut ri Dios chi man cuya'
taj quixc'ambejexic xane' xak xuwi ri quix
cuin che u k'atixic u wäch, cuya' c'u
xukuje' junam ruc' ri c'ambejebal ri elebal.**

–Nabe aj Corintib 10.13

**Ri utzalaj winak ri' coc'ow pa q'ui tak
c'axc'olil, are' c'u ri Ajawaxel qesan na
chquipam conojel wa'.**

–Salmib 34.19

**Keta'm c'ut chi conojel ri jastak que-
toban che utzil chque ri quelok'ok'en ri
Dios, chque wa' ri e siq'uim jas kas u
chomanic ri Dios.**

–Aj Romab 8.28

**Ri qui nimal ri cojol tabal tok'ob ri c'o
kuc', cäcuinic quil u c'u'x che ri ka
tukaril, rumal rech chi xtakchi'x che
ronojel u wäch c'ambejenic je jas ri uj,
man xmacun ta c'ut.**

–Aj Hebreiyib 4.15

“Are' c'ut ri cäch'äcanic cärechbej na we jastak ri'. Quinux na u Dios, ri are' cux na walc'ual.”
—Ri K'alajisanic 21.7

“Apachin ri cäch'äcanic, quincej na che rakan ja pa ri rachoch ri nu Dios, mawi jumul quel chi bic. Quintz'ibaj na ri u bi' ri nu Dios chrij, xukuje' ri u bi' ri u tinimit ri nu Dios, ri c'ac' Jerusalen ri cäkaj ulok chicaj ruc' ri nu Dios. Xukuje' quintz'ibaj na ri c'ac' nu bi' chrij.”

—Ri K'alajisanic 3.12

“Apachin ri cäch'äcanic, catz'iakix na cuc' sakloloj tak atz'iak. Man quinchup ta ri u bi' pa ri wuj re ri c'aslemal. Quink'alajisaj c'u na ri u bi' chuwäch ri nu Tat xukuje' chquiwäch ri u tako'nib aj caj.”

—Ri K'alajisanic 3.5

“Apachin ri cäch'äcanic, quinya' na che chi cät'uyi' na wuc' pa ri nu tem re ajawibal, je jas ri in in ch'äcaninak, in t'uyul ruc' ri nu Tat pa ri u tem re ajawibal.”

—Ri K'alajisanic 3.21

“Apachin ri cäch'äcanic, xukuje' ri que-butakej na qui banic ri nu chac c'ä pa ri q'uistajic, quinya' na u takanic paquiwi' ri nimak tak tinimit.”

—Ri K'alajisanic 2.26

46 RI DIOS CUJUCH'ABEJ CHRIJ
RI JACHOW IB

Quintakan chque ri e c'ulanic, chi ri ixok cojonel mujach can ri rachajil. We takanic ri' man xa ta wech in, xane' rech ri Ajawaxel. We c'u ri ixok cuya' can ri rachajil, chcanaj can chi jeri', mäs'uli' chic, o chutzir chi jumul ruc' ri rachajil. Xukuje' ri achi mujach can ri rixokil. Ri ixok ri c'ulanic rajawaxic cäc'oji' ruc' ri rachajil joropa' junab ri cäc'asi ri achi. We c'u cäcäm ri rachajil, cuya' ri' cäc'uli' ruc' jachin ri cära j wi, xak xuwi we cojonel che ri Ajawaxel.

—Nabe aj Corintib 7.10, 11, 39

“Ronojel achi ri kujach bic ri rixokil, cäc'uli' chi c'u ruc' jun chic, ri are' cäkaj pa mac. Xukuje' ri achi ri cäc'uli' ruc' ri ixok ri jachom bic rumal ri rachajil, ri are' cäkaj pa mac.”

—Ri Lucax 16.18

“Ri in c'ut quinbij chiwe, chi ronojel jachin ri kujach bic ri rixokil, we man rumal ruc'axic rib ruc' jun achi che u banic macunic, are' cuban che ri ixok chi cäkaj chupam ri mac. Apachin c'ut ri cäc'uli' ruc' ri ixok ri jachom, xukuje' cux jun ri xkaj pa mac.”

—Ri Matey 5.32

RI CAMUL U PETBAL RI JESUCRIST 47

“We c'u quinbe che u suc'umaxic c'olbal chiwe, quinpe chi na, quixinc'am c'u na bic wuc', rech jawije' ri quinc'oji' wi, xukuje' ri ix chila' quixc'oji' wi na.”

–Ri Xuan 14.3

“C'äte ri' quil na chila' chicaj ri retal ri Rija'l Winak. Ri winak c'ut ri e c'o pa tak conojel tinimit cho ri uwächulew cäquiq'uis na quib che ok'ej. Cäquil c'u na ri Rija'l Winak petinak pa tak ri sutz' chicaj, petinak ruc' chuk'ab, nim u k'ij cäpetic.”

–Ri Matey 24.30

Lok'alaj tak wachalal, camic uj ralc'ual chic ri Dios. C'ä maja' c'u cäc'utunic jas ri kujux na. Keta'm c'ut chi aretak cäc'utun ri Jesucrist, kujux na junam ruc' ri are', rumal rech chi cäkil c'u na ri kas are'.

–Nabe Xuan 3.2

“Ri ix c'ut xukuje' chisuc'umaj iwib, rumal rech chi cäpe na ri Rija'l Winak pa ri jok'otaj aretak man qui chomaj taj.”

–Ri Lucax 12.40

“Ri Rija'l winak cäpe cuc' ri tako'nib aj caj, ruc' ri u juluwem ri u Tat, c'äte c'u ri' quebutoj na ri winak chquiujunal je jas ri qui chac ri qui banom.” –Ri Matey 16.27

“Cäsach na u wäch ri caj ulew, are c'u ri nu tzij man cäsach ta u wäch.”

–Ri Lucax 21.33

Ronojel ri Tz'ibatalic petinak ruc' ri Dios: utz che tijonic, che pixbenic, che jic'onic, che nak'atisanic che ri suq'uilal.

–Ucab Timotey 3.16

Ri tzij la are' jun chäj chque ri wakan, are jun sakil pa ri nu be. –Salmib 119.105

CH'AWEM RUC' DIOS XUKUJE' CHUJCUYINAK

“Ri ix c'ut je ch'awem wa' chibana': ‘Ka Tat ri c'o la pa ri caj, chtastaj ri bi' la. Chpet ri ajawibal la. Chban ri rayibal la cho ri uwächulew, jacha' ri cäban chicaj. Ya' la ri ka wa re camic ri cajwataj chke. Checuyu' la ri e ketzelal jacha' xukuje' ri uj quekacuy ri etzelal ri e banom chke. Muja' la chuwäch ri takchibal macaj, xane' chujto' la chujesaj la pa u k'ab ri banal etzelal.’ We ri ix quebicuy ri etzelal ri e banom chiwe, ri i Tat ri c'o pa ri caj quixucuy na ix. We man quebicuy ri winak, xukuje' ri i Tat man quebucuy ta na ri e iwetzelal ix.”

–Ri Matey 6.9-15

RI DIOS CUCHI'J RI COLTAJEM CHKE

Cajwataj jun Colonel chwe.

Conojel c'ut e macuninak. E najtajisam che ri u juluwem ri Dios. –Aj Romab 3.23

*Ri Crist xujach rib pa rech wi pa ri
cämical che nu q'uexwäch.*

Xukuje' ri Crist xurik c'ax. Xurik ri cämical xa' jumul rumal quech ri ka mac. Ri suc' xurik c'ax rumal quech ri man e suc'taj. Xurik c'ax che ka c'amic bic chuwäch ri Dios. –Nabe Lu' 3.18a

*Cajwataj chwe quinq'uex nu c'u'x
che u banic ri macaj.*

Rumal ri' q'uexa' c'u'x alak, tzelej alak ruc' ri Dios, rech ri Dios quebuchupisaj tak ri e mac alak, craj c'u ne ri Ajawaxel quebutak ulok tak k'ijol re jamaril chech alak. –Banoj 3.19a

*Cajwataj chwe in quinc'am ri
Jesus ruc' ri cojonc.*

Conojel c'ut ri xec'amowic, ri quecojon che ri u bi', xuya' ri c'olbal chque chi quebux ralc'ual ri Dios. –Ri Xuan 1.12

*Kas nu cuban nu c'u'x chi in
colotajinak chic.*

“Kastzij, kastzij quinbij chiwe: Apachin ri cutatabej ri nu tzij, ri cäcojon che ri xintakow ulok, c'o junalic u c'aslemal. Man cäc'äjisax ta u wäch, xane' xel pa cämical, xk'ax pa c'aslemal.” –Ri Xuan 5.24

El texto de este folleto corresponde a la Biblia en Quiche: U Tzij ri Dios, primera edición 1995, cuyos derechos son propiedad de las Sociedades Bíblicas Unidas incluyendo la Sociedad Bíblica de Guatemala y ha sido usado con el permiso correspondiente.

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

Mulin rumal Watson Goodman

Xak sipam — Man cäc'ayix taj

World Missionary Press
PO Box 120
New Paris, IN 46553-0120 USA
www.wmpress.org

7-24



Read booklets online or by App
www.wmp-readonline.org

111/2 Quiche HFA